

紅雪樓原本

第二碑

平湖孟張莫襄



叙

義烈之顯載邑乘者。不待傳也。惟志乘所畧。而又事涉嫌疑。不得文人之筆宣播之。則其跡不彰。而其義且終晦明。寧庶人之妃。婁氏。紙結沉江之事。洵足嘉矣。或有以叛臣之妻少之者。以故二百年來。僅一青原方伯表識其墓。而數弓瑩址。襍還民居。欲求一欣爲擴清者。不可復得。蓋狃於斯議耳。不知宸濠雖叛。妃則始以歌諷。繼以泣諫。終以死殉其忠也。義也烈也。不相掩也。今讀蒼生太史後一片石填詞。乃知署方伯翥堂觀察。吳公不惑羣議。毅然爲

培其墓表其坊遷其民舍而新建伍明府復襄其事爲泐
碑以誌焉噫是何精於辨義而勇於旌善乎昔青原方伯
之表妃墓也太史實啟之聞時尙未通籍茲第二碑傳奇
以方伯擬向日之錢公見亭爲今日之薛生是不惟兩方
伯後先媲美而兩君之力爲先容擬以范文正爲秀才時
卽以天下事爲己任亦何多讓予諸子向師見亭特與予
契因郵是編囑予序之嗚呼方伯之闡揚義烈兩君之扶
植人倫心心相印所謂文章有神交有道者歟予退食之
餘庾樓憑眺輒攜此帙臨江諷之尤愛醉花陰數闋怨慕

情深低徊欲絕而故宮禾麥之悲恍繚繞於波濤浩渺間
有令人慷慨唏噓不知涕之何從焉因嘆文章之能移我
情也○正使子長復起爲之寫生○恐不能傳神至此○卽以此
補新建縣志祠墓之缺焉可耳○丙申涂月上浣上谷王均
渠平氏書於古江州之庾樓



序

鴻文補闕。曾志貞妃彤管分編。仍歸史筆。幸舟藏之未泯。
藁葬堪悲。嘆墓禁之誰申。堂封將隘。殘碑數尺。忍沒如斯。
破屋幾家。實偏處此。何幸重來。方伯擴清。一薦香芩。不圖
舊日詞壇。傳播再翻新調。碣刊第二。依然一片韓陵。拍按
無雙。怕聽三更鬼唱。洵千秋之佳話。慰十載之遐思。賡韵
於帝子樓邊。顰愧東隣之效。尋詩在隆興觀側。車同下澤
之遊。嗟乎曳明璫翠羽。以來香籠。夜魄訪金盃玉魚。而至
風滿靈旗。偕仙令以扶持。伍松滋有茲後裔。藉史官而紀

載蔡陳留應是前身凡此移宮換徵之清音要皆揚烈表
忠之健筆是以飲香浴露韻分中秘之馨因而橫錦粲花
鮮濯西江之水聲流簡外都緣文以情生艷發毫端寧等
老而才盡宿雲花樹十手爭傳牖日芸窓六么頻按播雅
音於豪竹哀絲之會誰知我亦登場開清讌於蟹肥橙熟
之秋共羨君能顧曲漢陽阮龍光拜題於洪都官署西齋



自序

婁妃墓在新建上饒兩倉間。埋沒貧家竈側有年矣。乾隆
辛未春。予訪得之。告青原方伯。時移藩滇南。且戒裝不得
廓清瑩域。僅立碑表識而去。歷今二十六載。予每寓書有
司。乞擇官地一區。徙此破屋。以妥妃靈。無有應者。乙未冬。
漢陽阮見亭茂才過訪。執手如平生。叩以故。則於傳抄中。
心折予所撰一片石舊詞。蓋十餘稔。每以不及訂交爲憾。
予乃傾倒見亭者。不能已。見亭時往虔南省舅氏太守鵞
堂吳公。匆遽特甚。明年。上特擢太守江西鹽道。卽權方

伯篆見亭從焉。予心怛然動。遂舉妃墓事。屬告方伯。亦姑
妄語之云耳。明日。聞方伯偕令尹伍君往視。卽賞墓戶遷
屋之貲。又給金屬令尹修葺如式。伍君亦捐俸購墓門外
民居。俾圻去。於是兆域夷曠。馬鬣隆起。新坊翼然以崇。嗚
呼。妃之幽宅。至茲而奠矣。不亦快乎。或謂事之廢興。良由
期會。予獨歎美方伯樂善之宏。而行義之勇也。世無墓大
夫。柳下之禁缺焉。弗講。官之汲汲者。奚恤於斯。方伯聞一
善言。沛然若決江河。則於官守民生。擔荷維持之意。實可
槩見。富鄭公韓魏公范忠宣輩。每蒞官司。必以掩骼埋胔

爲務。方伯有焉。予自銜恤後。捐棄筆研。閱月二十矣。今以夙願得申。始一破涕。乃援絳琴禮例。作後一片石。藉紀其嫩。比事屬詞。弗依絲竹。見亭或不以爲非禮歟。爰撫顛末。以爲序。藏園居士蔣士銓書。



第二碑

目錄

賡韻

留香

上塚

尋詩

題坊

書表

第二碑 又名後一片石



見亭外史正譜

藏園居士填詞

蒼厓老人評校

蝶戀花 隆興觀側秋墳路破屋疎籬遮斷墓碑處方伯來
尋前事苦雲中似有靈妃訴 雞犬人家都撤去上塚題
坊另譜清商句疊韻雙聲人晚渡各攜新酒澆前墓

第壹齣 賡韻

南 一前梅 小生巾 大小姑山石翠浮才過江州又到洪州

石根一現

纏綿悽愴

寒濤鳴咽向東流。前有人愁後有人愁。

如夢令處處青山如夢兒女英雄堪痛往事莫尋思一
片斜陽相送情重情重只有詞人心動小生姓阮名劍
彩字斗墟楚中漢陽人也龍眠右族江表名家先公位
領中樞代傳清白舊第門施行馬世掌絲綸小生手擅
八叉胸羅萬卷登樓入幕子衿猶困青青繡虎雕龍白
眼誰知落落今因舅氏季公以贛州太守陞任本道有
書相召來此已是江西省會咳吳頭楚尾點點江山龍
嶽蛟官星星世界這一座滕王閣閱歷風帆送迎冠蓋

兀傲

慨歎無窮

甚覺可憐也。

氣吞雲夢有此胸襟

七字淒涼

未經龍門。

宜春令。高人楊帝子樓。怪無端。因他逗遛。榮枯小異。蕭條一樣。千年後。這所臨江酒樓。倒也虛做。不免上去獨飲三盃。對山河。展放雙眸。筭興亡。消停杯酒。猶幸這中原尺土。入坐介丑酒保白鬚上題詩墳墓。生青草賣酒人家已白頭。相公來喫酒的。這是一壺贛州老酒。小生放下你自迴避去。小生自斟連酌介。這酒好生悶人也。

繡帶兒。龍沙湧江聲。自走西山影。落深甌。鼾睡兒卧榻難。

上下千古

微詞

勁彩

容○義○魚○子○戰○火○空○流○起○看○四○壁○介○迴○眸○欹○斜○屋○漏○詩○幾○首○
看○介○你○看○這○些○打○油○之○作○倒○也○好○笑○亂○鴉○塗○風○人○多○謬○如○
雪○崩○濤○戰○血○腥○練○花○堆○裏○葬○湘○靈○春○泥○不○得○埋○香○骨○愁○煞○
西○山○一○帶○青○王○氣○換○槍○黥○不○開○一○時○都○讓○婦○人○才○風○吹○蘭○
麝○多○成○土○誰○踏○玻○璃○上○塚○來○薛○天○目○弔○婁○妃○醉○筆○呀○好○奇○
怪○這○詩○人○敢○就○是○那○个○薛○太○史○麼○看○他○淋○漓○筆○光○芒○自○留○
惟○不○得○數○行○書○把○泥○牆○穿○透○

待○我○問○來○酒○家○那○里○丑○來○了○相○公○敢○要○添○酒○小○生○不○是○
我○問○你○這○壁○上○兩○首○詩○是○誰○人○幾○時○寫○的○丑○說○也○話○長○

這是當初一個秀才相公寫的。筭來有二十四五年了。
〔小生〕他因甚做這詩。〔丑〕小人那里知道。只聽得做了這
詩不多幾日。便有布政司錢爺在我這下面隆興觀塘。
訪出一個婁妃古墓。立了一塊碑。自去祭奠。聽得那一
日。多少官府齊去上香。這個薛相公也在那里。好不熱
鬧呢。

宜春樂黃金賦。白玉樓。妙才華。通靈透幽。文章到處。夜臺
光燄長如晝。小人還看見他編的新戲。叫做一片石上塚。
圖翁仲低頭迎神曲。巫陽迴袖。〔小生〕常時聽見說有本新

慘淡

一路問答不
卽不離絕好
聲情

詞一片石。原來就是此事。酒家。我要你引我去婁妃墓上。
一看如何。丑小人沒工夫。相公到新建倉前去問聲便了。
認踈籬破牖。傍人家厨竈。自覓殘邱。

淨白鬚末巾服上。取醉茅柴酒。傷心紙陌錢。酒家。丑喲。

二位鍾相公那里來。淨我們在賢妃墓上祭奠。便道來。

你店中一坐。丑好極。待我去取酒來。下小生拱手見介。

請了。末請了。小生兩兄所言。祭奠賢妃之墓。敢就是婁。

妃麼。末正是。聽兄楚語。敢自湖廣壯遊來此麼。小生小。

弟漢陽阮斗墟。因往贛州。偶經此地。敢問兩兄名姓。因。